




393836

kat. komp.

Mag. St. Dr.

III

Biblioteka Jagiellońska



stdr0010938

M E S S I S
A U R E A ^{922284/10}
immortalis gloriæ,

in Arena Literaria, ³²³⁷

Ex Campo Virtutum & meritorum

Perillustis olim & Reverendissimi Domini

D. M. MARTINI
WALESZYNSKI,

Sacrae Th: DOCTORIS, & PROFESSORIS, Collegij Majoris SENIORIS
PATRIS, Ecclesiarum Cathedralis Crac: CANONICI, Præmykoviensis
PRÆPOSITI, Contubernij Hierozolymitani PROVISORIS, Canonizatio-
nis B. IOANNIS GANTII PROCURATORIS, Librorum
per Diæcesim Cracoviensem Ordinarij CENSORIS, Studij Ge-
neralis Vniversitatis Cracoviensis PROCANCELLARII.

Arbitriò factorum

in Hieme vitæ

COLLECTA;

ac dùm ei

Iusta Parentalia in Ecclesia Divæ ANNÆ,

cum magno Ordinum Academicorum dolore

perfolverentur,

P E R

M. ADALBERTVM JOSEPHVM GOSZKOWSKI,

S. Th: PROFESSOREM, Collegam Majorem, Ecclesiarum Collegiatarum, S.
FLORIANI Clepardia ad Crac: CANONICUM, Visliciensis DECANUM.

lugubri calamò

DESCRIPTA.

Annò, quò in Mundum venit Dominus mæsis. 1739 die 20. Februarij.

CRACOVIAE TYPIS UNIVERSITATIS.

J. LXII. 10 ppp

M E S S I S A U R E A immortalis gloriæ,

Quid putas Parca insolens?

Jam ne credis te nemini parcere,
omnem movendo sepulchralem lapidem?

Num sis Marpesia caute durior?

Cunctis viventibus lapis offensionis adeò graviss
ut in pulverem mortalium genus conteras?

Siccine?

Nullus revolvetur annus, quo vitam hominum non dilapides?
Nullus temporum computabitur proventus, quem non disperdas?

An?

Ad latumias omnes tecum damnas populos?
ut præ furore tuo in marmora rigescant,
nullum vitæ allaturi censum.

Risus fortè, quem Sardonium moves, lachrymas ciet?
ut Orbis tanto in cataclysmo natans,
sterilior emergat.

Discordiam inter corpus & animam seminas;
arida ossa metis;

Acerbiora sæculo Deucalionis inducens tempora.

Itane?

Humanum genus, terræ inutile pondus existimas,
dum ei vitam eripis?

Nescis?

Non annis vivere mortales, sed factis.

Non

Non ipse numerus annorum inter lucra censetur,
qui minus benè expenditur.

Malè enim impensum tempus, dispendium est, non proventus.

Siquidem: nihil vivitur, malè vivendo.

Sola virtus, ut perpetuum sibi condit ævum,
sic cum invidia factorum censum vitæ meretur immortalem.

Imò,

Si in ætatis Vere pulchriùs explicatur in florem:

Si ardentius in annorum Æstate flagrat ad optima:

Si Autumno meritorum feraci indies maturescit;
gelidæ mortis non timet Hiemem,

Nec Triptolemi observat tempora ad colligendam gloriæ messem.

Omni tempore in Arena Literaria & seritur & metitur.

Non Ver Autumno, non Æstas Brumæ cedit.

Omnia hîc virent, omnia turgent frugibus eruditis.

En satis pretiosam messem,

etiam in hieme vitæ,

annî tulerunt Tui.

Perillustris olim & Reverendissime Domine.

**D.M. MARTINE
WALESZYNSKI,**

S. Theologiæ DOCTOR & PROFESSOR,
Collegij Majoris SENIOR PATER, Ecclesiarum,
Cathedralis Cracovien: CANONICE, Præmykovi-
ensis PRÆPOSITE, Contubernij Hierozolymitani
PROVISOR, Canonizationis Beati IOANNIS
CANTII PROCURATOR, Librorum per
Diæcesim Cracoviensem Ordinarie CENSOR,
Studij Generalis Cr: PROCANCELLARIE.

Cujus vitæ totum negotium erat,
tempus in pretio habuisse.

Adeo,
Vt omnes anni Tui in aurum priscum abiverint,
Hinc, nec tempori, nec teneræ ætati Tuæ parcebas.
quasi noveris:

Magnum esse vectigal, temporis parsimoniam.
&

*Magnæ indolis animus vitam simul & opus
incipit, tempusq; non prorogat, sed urget.*

Vix te magnus ultra infantem spiritus dilatavit,
Palladi Te dicasti.

Maturaveras pueriles; non leves tamen, gressus Tuos
in Arenam Literariam.

Ad Manipulum accesseras Jagellonicum,
bono indiciò;

Messem inde auream gloriæ Tuæ in tempore collecturus.

Campus erat.

Virtutum & meritorum Tuorum

Orbis Academicus;

Quem & ingenium Tuum tam benè coluisti,
ut in flore ætatis jam maturi Scientiarum fructus apparuerint,

Musis & Apollini Cracio ad palatum.

Ex atomis tumuere montes;

Tibi ex Scholastico pulvere, optimæ indolis accedente cultura
Olympus creverat,

pretiosò granò immortalis famæ conseminandus.

Ex Arena,

in qua seriò ludebas cum Musis & Apolline,
tempus non eludendo:

ut consuevere ignavi, fruges consumere nati.

& quam

inæstimabili frontis Tuæ sæpius irrigabas sudore,
amænam Laurearum legisti messem.

Sic

Sic dives erudita Cerere & fatur,
Castalios latices, Tullianos fontes, Aristotelicum Eurippum
Ab. Jug. Aquinaticum Mare hauseras.

Iam tunc Boni publici amantissimus.

Non Tibi tantum natum Te credidisti.

Omnium Te Scientiarum capacissimum reddebam,
non, ut emineres, sed prodesse,

Patriæ, Ecclesiæ & omnibus.

Ita facile evaseras,

Pœta, Orator, Historicus, Philosophus, Theologus,
& omnia.

Tacerem ego; sed singulorum documenta Orbis habet.

Clara sunt ad atras pompæ funebris umbras

Magnarum Majoris Poloniæ Heroinarum,

Tua epicedia,

à doloribus ipsis appretiata;

quibus afflictos orbitate Heroes;

ILLUSTRISSIMOS DOMINOS

VLADISLAUM *de Radomicko* RADOMICKI,

Valcensem, Mosinensem &c. CAPITANEVM,

intimum Magnæ Parentis Filium.

PETRUM *de Paradyß* BRONISZ, Pyszdrensem

CAPITANEVM, consortis lectissimæ

deploratores solabaris.

Conclusio

ex malè intellectis à cæca Libitina principiis
illata,

ingeniosô Tuô & dulci refutata elegô

posthumas laudes Viri de Rep. Literaria meritissimi

M. CASIMIRI MUSIALOVII, continente,

benè probavit Te Dircæos & Mantuanos,
svavitæ Poetici concentûs superasse olores.
Canendo, capisti auream gloriæ Tuæ colligere messem.

Et quidem,

Tristia temperaveras amænis,
ut ostenderes:

Seminantes in lachrymis in exultatione metere.

Campus Eloquentiæ

laboribûs Tuis quàm benè cultus erat,

Ex fructibus eloquij Tui uberrimis,
quibus Minoris Majorisq; Poloniæ impleveras Orbem,
novimus.

Angelicus Doctor, lingua Tua interprete NAVARCHVS,

Argonavi Ecclesiæ Dei, quam gubernat,
per totum hoc mare magnum & spatiosum
auream oris Tui vehit Cererem.

Idem,

ut sub alia forma, etiam ad altra efferret pretiosas merces,
erudita metamorphosi ab ingenio Tuo,
ex Navarcho, factus est CYGNVS, Aquinaticis innatans Aquis,
& simul Pædolo
ab ore facundo fluenti.

Phosphorus Solem Justitiæ præcedens

Divus JOANNES CANTIUS

Oratorijs luminibus Tuis in suas laudes, accensis,
auxit lumina;

ut Magnus Tibi crevisset dies, ad colligendam amplius
famæ immortalis messem.

Devotus Minervæ Cultor,

Primitias frugum Campi Eloquentiæ Aris imposueras Divorum,
cæteras aut venerandis consecraveras Antistitibus;
aut in publicos Magnorum Virorum usus converteras.

Manent alta, mente repositi recentissimi flores Tullij,

rosæ Hortensij, gemmæ verborum Tuorum,
in aureo cælis à te illato Capite

Perillustris olim & Reverendissimi Domini

GASPARIS de Cienie CIENSKI.

Grande id Coronati Vavelli Decus, quò sublimius acumine Oratorio
extulisti,

eò vastiorem gloriæ Tuæ cumulasti acervum.

S O N I P E S

WIELOPOLSCIUS,

Equite suo Honore, in publico, ad Præfecturam

Opocznensem; ingressu, triumphante onustus;

etiam Tuo gaudebat ad triumphalem pompam

pretioso verborum ornari apparatu,

opulentâ svadæ onerari supellectilî.

Imò gratitudinis ergo,

Messem, quam collegeras in Campo Tullij, ut sciat Orbis,

quàm fuerit inæstimabilis,

portare coram Gentibus non desinit.

A floridissimo Campo, quem fontes irrigant Oratorij,

nec lato ungue distare noveras Philosophicam arenam.

Quàm ille frugum doctarum ferax, tam hæc non sterilis;

quamvis plena Logicalibus spinis.

Spinas & tribulos non abhorrebas.

Rosas de spinis colligi & florum Reges lilia illis armari,

non dubitans.

Arena quoq; acutis non rarò strata tribulis,

iter erat non uni Lesconi ad coronam.

Ad hanc excolendam vocasti operarios Tuos,

quos à primo mane vitæ innocentis conduxeras;

Laborem, Virtutem & Sapientiam.

Ipsè Solertissimus Cultor,

biennali Cursu bis decurrendo stadia Philosophica,

solicitudine Tua & curâ

B:

Non

non unus Tibi aureus manipulus stetit.
Crescebant victrices palmæ, suo inter erudita certamina Victori.
tot laureolâs metebas, quot victorias reportasti.
Saturnia etsi redirent tempora,
tam uberem non producerent messem.
quantam gloriæ temporibus Tuis admirabatur Pallas Lubranseiana,
proceritati Arboris suæ similem,
in arena Stagyritica assurrexisse.

Documenta extant

Magnis Nominibus
RADOMICCIORVM, SZOLDRSCIORVM,
LACCIORVM, SIERAKOVIORVM,
MAGNVSCIORVM

insignita;

Quibus auream ingenij Tui Ceterem in sudore vultus collectam,
sæpius dedicaveras.

Tam providi Arenæ Philosophicæ coloni,
à quo sum Aristoteles sitiret Eurippum,
Nomen laudesq; ad sidera extollit Posnania;
Cui aureæ scientiarum messis abundantiam
in Turribus ejus reliquisti.

Sacræ Præfides Cathedræ,

Uberrate gaudent lætissimarum animi Tui frugum.

Doctor Gentium Paulus

insignem gloriæ Tuæ summam,

Thesibus universæ Philosophiæ, Peraugusto Capitulo dicatis,
contentam.

ut toti facilius commendaret Orbi, Libro inseruit Doctorali.

Princeps Apostolorum Petrus,

Sub Clavibus Regni *similis thesauro in Agro abscondito.*

Annulo Pontificio signatum pretiosum Verbi Divini germen
toties in laudes CANTU ab ore Tuo pullulans,

benè

benè asservat.

Cedro potior Arbor Lubransciana,
quotquot explicuit folia, tot codices edidit,
ad exarandos aureis characteribus Magni sui Cultoris
encomiorum proventus.

Szoldrsciana Argo,

Caris Heroum pignoribus onusta,
Vigilantissimi Præfecti laborum, virtutum & meritum,
eruditas opes Phryxeis pretiosiores velleribus
jactabat.

Vndiq; auream gloriæ ut colligeres messem,
egisti.

Addebas non parvis parva; sed maximis majora.
Sic innumeros cumulaveras Tibi famæ immortalis acervos.

Sic pulcher honoris crescebat apex.

Finis unius laboris Tui, gradus erat alterius.

quies gratissima, otiosi nunquam.

Unam virtutem nullam esse existimans,
omnes Tibi fædere quodam inviolabili associasti.
Cum multa merueris, nihil Te meruisse credens;
Meritis merita, opera operibus in dies præstantiora adiciebas,
adeò,

ut in Te oculos & animos
Magnorum in Rep: Virorum
converteres.

Qui optimam ingenij Tui stupentes polituram,
tenellam Alcaniorum suorum indolem summos ad honores natam,
committebant Tibi excolendam.
non ignari:

bonum esse, instrui ab optimis.

Spem in herba, vota Illustrissimorum Heroum non elusisti.

Talem culturam generosis adhibendo surculis
ex quibus, ubi succreverant, facile efformasti

C

loves

Joves Sceptrorum, Mercurios Caduceorum, Alcidas Clavarum
capacissimos.

Fatebatur ore publico, quantum Tibi debebat.

Magnum Senatûs Poloni Decus

ILLUSTRISSIMUS olim DOMINUS

D. ALEXANDER COMES in Pieskowa Skála

WIELOPOLSKI,

CAPITANEVS Opocznenfis, Rapstinenfis

vivam in se Avorum Atavorumq; imaginem,

moribûs pulcherrimis & virtutibûs referens.

Hic Te Alexander Aristotelem suum,

nunquam satis Orbi commendandum duxit.

Laboravitq; ut aurea gloriæ Tuæ messis semper copiosior assurgeret.

Divinum in Te quiddam adverterat

Illustrissimus olim & Excellentissimus Dominus

D. FRANCISCUS

COMES in Zywiec & Pieskowa Skála

WIELOPOLSKI

Palatinus Cracoviensis,

Consus Lechicus & Stator,

ingeniorum Æstimator summus.

Sponsam *Illustrissimi* sui Sangvinis,

Sponsio Cælesti desponsaturus;

Superos ut flecteres in vota propitios.

Te ad Nuptias Agni cum omni verborum apparatu,

Oratorem pro Domo Sponsæ habere voluit.

Hinc, inde,

Te benè colligentem auream gloriæ Tuæ messem,

Alma Mater videns Universitas,

reponendis tam pretiosis frugibus Tuis,

Emporium providit in Collegio Minori.

Sed minus erat, ut totum caperet,

quod

quod virtutibus & meritis collecturus eras ad gloriam.
Et merita crescebant & præmia,
à minori ad majus augmentum gloriæ.
Plura tamen, quæ gesseris, sic minui profuit,
ut more declinantis ad ima solis,
amplitudo eorum appareret vastior & esset.

Spectarunt id exotici Soles,
quos petieras,
non sine commeatu Scientiarum:
non sine comitatu operum laudabilium.
Campum spatiosorem Tuis meritis quæsiturus,
perrexeras alienum in Orbem;
ut non sub uno Sole Ceres erudita Tua maturuisset.

Cara Lechici Regni Pignora

Illustrissimos Dominos.

D. JOANNEM TAGOBORSKI.
CAPITANEVM Małogostensem,
IUDICEM Oswiecimensem.

D. FRANCISCUM ZYDOWSKI.
VEXILLIFERIDAM Cracoviensem,
ad exteras oras Tecum vexisti,
expositurus luci publicæ,
quæ pretia Orbis Polonus habet.

Edoctus apud exteros,
quàm benè: *terra quævis alit artem:*
quàm gloriosa gloriæ seges assurgit,
alienis sæpe in agris,

redijsti in Patriam;
tantò gratior Academicæ Palladi,
quantò plura tecum advexeras,
quæ ei cesserunt in decus & solatium;
Tibi in auream famæ immortalis messem.
Quodsi locus debeat correspondere locato;

Accrescenti meritorum Tuorum annonæ,
grandius opus erat receptaculum,
id est

Collegium Majus.

Hanc Divi Jagellonis ingressus Aulam,
quidquid egisti Regius Professor.

Regia Majestate dignum:
quidquid locutus es Tylicianus Orator,
auro cedroq; notandum:

quidquid Domus istius Collega exemplò docuisti,
CANTIANUM, pium, Sanctum erat.

In hac Domo

Tecum habitasti semper, sed non solus;

Virtus, Pietas, Labor,

Socij Tui individui & comites.

Amor in Te boni communis quàm ardens, tam providus,
totus in commoda Orbis Literarij effusus;

iterum Te ad exoticos Soles traxerat,

Ut, vel Nomen laudesq; Cracij Apollinis,

ubiq; terrarum gloriosius circumtulisses.

Vel, si quid alibi esset pretij,

cum aurea gloriæ Tux messe, in publicum collegisses
emolumentum.

*Plurimi ita extra limites eunt Patrios,
ut simul extra recti orbitam procedant.*

Tu

intra sphæram modestiæ Tux, ubiq; idem eras & non alius.

Toto quidem cælo dividebaris à Patria;

sed ab integritate morum ejus,

ne latum in ungvem distabas.

Quot Regna, Provincias, Vrbes peragraveras,

tot erant Campi,

in quibus virtutum Tuarum spargendo sementem,

non inanes gloriæ surgebant culmi.

Quana

Quàm profundè verò,
Famæ Tuæ vestigia alieno solo impresseris?
palam est.

In Aulis Principum, in Palatijs Ducum,
Gratus Hospes.

Serenitate vultûs, gravitate supercilij, oris dulcedine,
candore pectoris,
omnibus commendabilis.

Tu Septicollem Romanam,
Tu vicinam DEO Majestatem

Votis inclinaveras Tuis;
dum coram Supremo Orbis Capite,

Romano Pontifice

CLEMENTE XI.

CANTIANI PROMOTOR honoris,

Oratorem egisti disertissimum.

Tu Parisijs,

Eminentissimum Cardinalem de Byssy Episcopum
Meldansem &c. traxisti in amorem Tui;

Ille Te traxisset ad honores,

nisi Te aliò superi avocassent.

Tu in animis Principum exterorum
non peregrinus eras.

REGI SARDINIÆ

in favoribus.

DUCE SABAUDIÆ

in æstimatione;

utriq: desiderium Tui reliquisti.

D

Coram

Coram Augustissima Majestate Romanorum Imperatoris

C A R O L I VI.

negotia Tua expositurus,

invenisti gratiam

Celsissimi Domini THEODORI S.R.L. Principis
LUBOMIRSKI, Comitis in Wiśnicz &
Jároslaw, Palatini Cracoviensis, Scepusiensis
&c. Capitanei.

Senatorum Argi,

Sagô Togâq; Viri meritissimi.

Cujus beneficij memor,

nactus eras maxima & illis fruebaris.

Quidquid Hesperidum floruerat in hortis.

quidquid Gallica explicuerant Lilia.

Europæis quidquid fertilius materierat in campis.

Exotici quidquid præstantius excoxere soles;
totum id,

Malachovianam in Fasciam,

Illam remotas explicando per oras,

Uade

collegeras solertissimè.

in Illustrissimo, & Excellentissimo, IOANNE

Procancellario Regni,

Magnus Patriæ crevisset proventus;

Tibi aurea gloriæ messis.

Creverant in imensum opimæ meritorum, Tuorum fruges,
creverat & pretium.

Hinc valor & æstimatio Valeszynij.

Primorum quidem Regni Caputum,

cogitationes de Te non vanæ;

sed in CAPITE LUBIENSCIANO,

tam alta mente repositus eras,

quàm excelsis,

ex voto Magni Præsulis,

ni fata obicem posuissent,

donandus honoribus.

Cælesti Eridano compar LVBOMIRSCIVS SRZENIAWA,

Tuum benè merendi Campum,

pretiosis gratiarum suarum irrigabat fluentis;

gloriose Cereri Tuæ dans incrementum.

Celsissima olim COMES in Wisnicz & Jaroslaw ANNA

de Lubomierz MAŁACHOWSKA Palatina

Posnaniensis S. R. I. Princeps.

Heroïna illa, Cujus,

procul & de ultimis finibus pretium;

Te suæ Illustrissimæ Prolis,

ad meliora quæq; optimum Antesignanum,

largis cumulabat beneficijs, Tuas appretiabat dotes.

Vix Tuæ, viæ pulchræ:

omnes virtutum Tuarum semitæ,

laudatissimis plenæ exemplis.

in omni Tuo progressu adeo felix;

ut, quidquid cum Perseo calcaveris, rosa:

quidquid cum Mida tetigeris, aurum

feret.

Quacunq; iveras, comitate morum Te comitante;

corda Principum, animos populorum, favores omnium,

velut aureis Timothei retibus tenebas,

in Orbem tracturus Academicum.

In quem redux,

Cælum non animum mutans, etiam trans mare currens,

compos eras votorum Tuorum.

Pretiosiore unionem nec Oceanus vidit, unionum ferax,

Animorum unione in Te conspirantium;

quàm concordî discordiâ linguarum,

apud Optimates Regni Tibi conciliasti.

Hac idiomatum diversitate, quam callebas,
Universitati respondebas optimè:
ab ejus legibus, moribus, laudabili consuetudine,
nec in minimo discrepans.

Quàm Te unicordem, tam unilingvem,
Candor semper probavit Academicus.

Peritiâ Tuâ lingvarum:
- - - - - Sarmaticis spatium Græcia campis
Creditor; & veteres rediisse putantur Athenæ
Tecum. - - - - -

Quanquam Domi erat,
unde totum erudiebas Orbem,
ex Cathedra Theologica Professor,
ex Sacris Exedris Ecclesiastes,
ab ore Tuo tanquam de Tripode oracula pandens,
Non cecidit quidquam ex omnibus verbis Tuis in terram,
Avidæ aures excepere totum,
ingeniosæ trutinavere mentes,
studiosa fovère corda.

Et si quid ceciderat de granis verborum Tuorum selectissimis,
semper in terram bonam,
fructum centuplum afferens.

ad augendam gloriæ Tuæ messem.

Semen Verbi Divini,

quod in Arena Literaria circa Mare Aquinaticum,
operoso cultu seminaveras,
quantum Tibi famæ immortalis proventum attulerit!

ex summa Thomistica,

in aureo Capite Tuo reposita:

ex favis Ambrosij per os Tuum distillantibus,

ex pretiosa Chrysostomi suppellectili,

erudito in pectore recondita:

ex splendido Augustini apparatu,

in animo Tuo relucente,

constat.

Vt

Ut seminasti
in Sacratioribus Olympijs Stadiodromus,
in Scholasticis certaminibus Victor,
in Orbe Sapientiæ Doctor;

Abt. Jag. *ita metebas,*
Serta, Palmas, Laureas.

Musa Te Jagellonica non vilibûs herbis;
sed aureo coronaverat Manipulo,
Doctorem Theologicam Lauream
conferendo.

Sic
coronatum Fascibus admoverat Rectoralibus sexdecies,
ut Orbem Literarium,
eò Magnificentius rexisset Sapientia.

Publicis curis magnisq; negotijs
aliud est idoneum videri, adhiberi aliud.
Multi Atlantes crediti, nisi adhibiti fuissent, diuq;
pro oraculis habiti, antequam respondissent.

In Te,
Forma ipsa, quam fuerit digna imperio,
tam in Regno Scientiarum Regimen Tuum ad amissum.
Prudentia, Magnitudo animi, Dexteritas,
Tui asseclæ.

Authoritas summa, Reverentia debita, communis omnium Amor
Tui comites.

Malè imperat, qui imperat tantum.

Non est commodum.

Si semper Severi, nunquam Titi solia teneant.
In pectore Tuo posuere sedem,
Iustitia, Mansuetudo, Vigilantia;
ut, & sceleri timor & virtuti honor fuisset:

E

& Ardua

& ardua negotiorum sollicitudo,
eminuisset in Te Principe.
Quàm gloriôsè humeris Tuis Orbem supportaveras Academicum
indefessus Atlas;

tam avidè Capiti ejus trinæ Vavelli impendebant Coronæ.

Gemma Doctorum cùm fueris,

Coronis inferi debueras.

Grandes erant

congregatæ aureæ Tuæ messis acervi,

commensurari non poterant, nisi eminenti Vavellò.

Hic nemo dubitabit unquam:

Et hæc, quæ congregasti, cujus erunt?

Crisim effugit prudens collectio bonorum.

Congregare, ut expendas melius, non avaritia est,

sed præventa liberalitas.

Opes animi Tui,

Opes gloriæ & fortunæ,

quàm benè colligebas; tam expendisti optime,

liberalis Martinus.

Aurea Scriptorum Tuorum scrinia,

in quæ Tui eloquij Pactolus aut Hydaspes influebat,

Orbem ditaverè Literarium.

Verus Pater Patriæ,

quidquid ingenio, lingvâ, opere, fama refetente,
accumulasti;

Almæ Matri reliqueras totum,

Filijs in perenne emolumentum.

Addebat pondus eruditæ opibus,

Spontanea munificentia.

Alter Phæbus, etiam non rogatus omnibus beneficis oriebaris.

ratus perbellè:

quod nonnisi multis precibus extorqueas, beneficij
nomen vix meretur.

Fortu.

Fortunam libenter alienam esse voluisti,
nihil de ea Tibi reservando,
quod non Communitati serviret.

Quidquid erogatur pie in aliorum usus,
proventus est, non dispendium.

qui liberali spargit opes manu, servat.

Observe solem, intueri maria,
dando, non deficiunt.

Vbi effuderunt, ille radios; hæc aquas;
nihil minus habent, imò abundant.

Omne per ævum non sine censu manebit

Liberalitas Martini,

& quæ

nunquam pigra fuit, sacris Tua gratia rebus;
Arts Divorum, aut illorum cultui promovendo impensa.

CANTIANVS honor de Tuis donis & curis appetiatus,
Tuus erit.

Novum fœnoris genus, Deo fœnerari.

Dare, quod acceperis:

ut luculentius hoc recipias, quod dederis.

Non in aqua scribentur beneficia Tua,

Universitati, Collegijs, Indigentibus,
præstita.

Typi Characteribus,

quibus in atramentum, aurum Tuum copiosius influxit,

Liberales Nomen adamantinæ memoriæ imprimetur.

ac in fertili paginarum æquore,

Musarum agello,

nigerrimum notarum semen commissum;

semper in auream gloriæ Tuæ excreset messem.

Vox mole - - audietur - - - amplius

liquido ære Tuo plusquam affluentibus aquis resonans.

Es

Et Spiritus

Ee *Spiritus Liberalitatis* Tuæ in rotâ, ejus,
animabit ad encomia danda Posteritatem.
Omnes largis de censibus Tuis viventes,
grati animi debitores erunt.

Ipsa egestas,
cui Te in nummorum subsidio Numam exhibuisti,
ut Numen recolet.

Te verum sapientem de prædicabit Orbi.
nam:

optimè sapit, qui super egenum intelligit.
Aurei Orbes munificentiae Tuæ,
multiplicabunt encomiorum summam;
Tibi in coronam æternitatis desinent:
cælo viciniorem turgescunt in Olympum.

Sic dum alloquor piissimos Manes,
tetra mortis in imagine,

stupet animus, contremiscunt artus,
calamus obrigescit.

Virum amissimus!

Magnum Reip: Literariæ Statorem,
Orbis Academici Lumen & Columnen,
Togatæ Gentis Decus & Præsidium!

Sæculis opus est, ut ejusmodi Phænices nascantur.

Extra undas quidem sæculi, non tamen nostras
extra lachrymas stetit,

irritamentum ijs perpetuum.

Magnos quippe Viros serò requirimus,

quorum ab excessu reverentia major,

ætatis præteritæ suspiria fatigat.

Concidimus!

Nisi oraculis Vatum mitigaretur mæror:

Dignum laude Virum *Musa* vetat mori.

immo-

immersabilis est vera virtus.

Media in Ponto portum inveniet.

Nunquam Stygias fertur ad undas.

Hic mori nequit.

Cui perennem vitam immortales res gestæ peperere.

Imò

Sol in occasu grandior;

Clarissimi Viri in umbra mortis illustriores.

Quis? quantulve fuerit VALESZYNIUS?

in hieme vitam ejus Libitina carpente;
ex fructibus laudabilium operum cognoscendus.

Non abstinuit quidem à sua ingluvie
avara Mors:

Sacra jejunia frangere voluit;

de optimis fructibus Viri,

opiparas parare sibi escas contendens;

sed clusa.

Panis ejus: nonnisi sepulchralis lapis,

dapes: pulvis & cinis.

Magis esurire cogitur insatiabilis vorago Parca,

dum inter rigescentis brumæ algores,

in manipulos redactæ segetes immortalis, famæ,

Patris Dignissimi,

congregatæ sunt in horrea Cœli.

Et si

Mors pusti, vitæ præsentis exitus, introitus est melioris.

Vivit ille, non cadit in umbras mortis,

quem bona & illustri asequuntur opera.

Opera illa,

quibus vel Ipsa Screnissima

AUGUSTI III REGIS Poloniarum

Majestas,

F

in primo

in primo ad Regni gubernacula Ingressu,
Demosthenis hujus disertissimi verba ab ore excipiens,
splendorem addidit.

Quibus tanta accessit Gratia,

Eminentissimi Domini
D. JOANNIS ALEXANDRI

à LIPE L I P S K I,

S.R.E. Cardinalis, Episcopi Cracoviensis, Ducis
Severiae, Cancellarij Universitatis Crac:

Faventissimi;

ut senium venerandi Patris solaretur,
sublevaret praesentia sua infirmitatem;

Auream gloriae messem

Gentilitijs Rastris protegeret.

Non in tumultu quaerendus Phaeus noster.
sed in cordibus Coronati Vavelli Procerum.

& oritur in suspirijs,

& refulget in mentibus Eorum.

Atram tatorum ejus noctem,

Illustrissima Cynthia illuminat,

Illustrissimus & Reverendissimus Dominus,

D. MICHAEL à Gránow WODZICKI,

Decanus Cathedralis Cracoviensis, Abbas Wacho-
censis, Vicarius in Spiritualibus & Officialis Generalis

Crac: Custos Visliciensis, &c. &c.

Non merguntur in fluctibus Lethes,

undecunq; collectae, pretiosae meritum fruges,

tollente sub sidera cymbam vitae MARTINI;

Anchorâ

Perit

Perillustri & Reverendissimi Domini

D. M. HYACINTHI ŁOPACKI.

S. Th: & Medicinæ Doctoris, Ecclesiarum Cathedra-
lis Cracoviensis Canonici, Collegiatae Sandomirien-
sis Decani, B. M. Virginis in Circulo Crac: Archi-
præbyteri Infulati, &c.

Aurum auro adjecit HYACINTHUS,
pondus & pretium.

Ornavit Gemmâ, coronavit Flore
laboriosissimum

In Arena Literaria
Operarium,

Æstimatissimus

Ultimarum Ejus Tabularum

Protector.

Vivit! vivit in Vobis

Spiritus ille Magni Patris!

Integerrimi ultimæ Voluntatis ejus

Executores,

Perillustri Clariſſime & Admodum Reverende Domine,

D. M. MATHIA ZIETKIEWICZ,

S. Th: Doctor & Professor, Collega Major, Ecclesi-
arum Collegiatarum S. Floriani Cleopardiæ ad Crac:
Decane, Cureloviensis Scholastice, Zarnovecensis
Præposite.

Cujus Cordi adhæsceras vel ideò,

quòd Te præſago quodam spiritu,

ſimillimum ſibi,

amore boni publici, conſilio, dexterritate in rebus agendis,

authoritate & morum gravitate,

Magnorum æſtimatione Virorum,

Orbi profuturum Literario,

credidiſſet.

Perillustri Clarissime, & Admodum Reverende Domine
D. M. FRANCISCE KALEWSKI,
S. Th: Doctor & Professor, ejusdemq; Facultatis De-
cane, Collega Major, Ecclesiarum, Collegiatae SS.OO.
Præposite. Starokorezynensis Curate.

Illius dimidium animæ,
Qui Te annis quadraginta propè adeò dilexerat;
ut sine Te vivere, molestum:
ab amore Tui avelli, gravissimum,
existimaret.

Pacis Te & charitatis propagatorem,
Optimi consilij Virum,
Omnis tranquillitatis & mansuetudinis
amantissimum ratus.

Utriusque Vestrum,
quàm intima inter vos amicitia Pyladis cum Oreste;
tam circa radiolos grandævi Senis langvores,
solicita cura.

Uterq; Vestrum alternis vicibus molestos mitigabat dolores;
Vnus alteri perdius aut pernox,
succedebat Castor & Pollux.

Uterq;
quousq; spiritus hos regebat artus,
vitalis lucis ejus,
custos aderat vigilantissimus.

Hinc Vobis
pro servatis usq; ad Aras amicitiae juribus,
de Domo, quam inhabitat, amicos Cæli favores
vovet.

Superosq; exorat,
ut centuplò copiosior assurgat Vobis

Aurea
immortalis gloriæ
Messis.



